



# Deddf Treth Gwarediadau Tirlenwi (Cymru) 2017

2017 dccc 3

**RHAN 5**

DARPARIAETH ATODOL

**PENNOD 7**

AMRYWIOL

*Darpariaeth bellach mewn perthynas â'r dreth*

## **88 Addasu contractau**

(1) Pan fo—

- (a) gwarediad trethadwy yn cael ei wneud ar safle tirlenwi awdurdodedig,
- (b) contract sy'n ymwneud â'r gwarediad trethadwy sy'n darparu i daliad gael ei wneud, ac
- (c) ar ôl gwneud y contract, y dreth sydd i'w chodi ar y gwarediad trethadwy yn newid o ganlyniad i ddeddfiad sy'n ymwneud â'r dreth,

mae swm y taliad y darperir ar ei gyfer o dan y contract i'w addasu, oni bai bod y contract yn darparu fel arall, i adlewyrchu'r newid yn y dreth sydd i'w chodi ar y gwarediad trethadwy.

(2) At ddibenion yr adran hon, mae contract sy'n ymwneud â gwarediad trethadwy yn gontract sy'n darparu ar gyfer gwaredu'r deunydd sydd wedi ei gynnwys yn y gwarediad trethadwy, ac nid yw'n berthnasol pa un a yw'r contract hefyd yn darparu ar gyfer materion eraill ai peidio.

(3) Mae'r cyfeiriad yn is-adran (1) at newid yn y dreth sydd i'w chodi yn gyfeiriad at—

- (a) newid o fod dim treth i'w chodi i fod treth i'w chodi,

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwarediadau Tirlenwi (Cymru) 2017, PENNOD 7. (See end of Document for details)*

- (b) newid o fod treth i'w chodi i fod dim treth i'w chodi, neu
- (c) newid yn swm y dreth sydd i'w godi.

#### Gwybodaeth Cychwyn

- I1 A. 88 ddim mewn grym ar y Cydsyniad Brenhinol, gweler [a. 97\(2\)](#)
- I2 A. 88 mewn grym ar 1.4.2018 gan [O.S. 2018/35](#), [ergl. 3](#)

### 89 Pŵer i osod atebolrwydd eilaidd ar reolwyr safleoedd tirlenwi awdurdodedig

- (1) Caiff rheoliadau wneud darpariaeth i'w gwneud yn ofynnol i reolwr safle tirlenwi awdurdodedig, neu ran o safle o'r fath, dalu'r dreth sydd i'w chodi ar warediadau trethadwy a wneir ar y safle neu'r rhan o dan sylw, ac mewn cysylltiad â hynny.
- (2) Mewn perthynas â rheolwr safle tirlenwi awdurdodedig neu ran o safle o'r fath—
  - (a) mae'n berson, ac eithrio gweithredwr y safle, sy'n penderfynu, neu sydd â'r hawl i benderfynu, pa warediadau deunyddiau y caniateir eu gwneud ledled y safle neu'r rhan o dan sylw, ond
  - (b) nid yw'n cynnwys person sy'n penderfynu, neu sydd â'r hawl i benderfynu, pa warediadau a wneir dim ond oherwydd bod y person yn gyflogai neu'n asiant i berson arall.
- (3) Caiff rheoliadau o dan yr adran hon wneud darpariaeth (ymysg pethau eraill)—
  - (a) sy'n ei gwneud yn ofynnol i ACC gael ei hysbysu os yw person yn dod, neu'n peidio â bod, yn rheolwr ar safle tirlenwi awdurdodedig neu ran o safle o'r fath;
  - (b) ynglŷn â'r amgylchiadau pan fo'n ofynnol i reolwr dalu treth;
  - (c) ar gyfer pennu swm y dreth y mae'n ofynnol i reolwr ei dalu;
  - (d) ynglŷn â'r berthynas rhwng gofyniad i reolwr dalu treth ac unrhyw rwymedigaeth ar weithredwr y safle tirlenwi awdurdodedig i dalu treth;
  - (e) ynglŷn â'r weithdrefn i'w gwneud yn ofynnol i reolwr dalu treth;
  - (f) ynglŷn â pha bryd y mae'n rhaid talu'r dreth;
  - (g) ynglŷn â dyletswyddau i gadw cofnodion a'u storio'n ddiogel;
  - (h) ar gyfer cosbau mewn cysylltiad â methiannau i gydymffurfio â'r rheoliadau;
  - (i) ar gyfer adolygiadau ac apelau.
- (4) Caiff y rheoliadau ddiwygio neu gymhwyso (gydag addasiadau neu hebddynt) unrhyw ddeddfiad sy'n ymwneud â'r dreth.

#### Gwybodaeth Cychwyn

- I3 A. 89 ddim mewn grym ar y Cydsyniad Brenhinol, gweler [a. 97\(2\)](#)
- I4 A. 89 mewn grym ar 1.4.2018 gan [O.S. 2018/35](#), [ergl. 3](#)

### 90 Mân ddiwygiadau a diwygiadau canlyniadol i Ddeddf Casglu a Rheoli Trethi (Cymru) 2016

Mae Atodlen 4 yn gwneud mân ddiwygiadau a diwygiadau canlyniadol i DCRhT.

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwarediadau Tirlenwi (Cymru) 2017, PENNOD 7. (See end of Document for details)*

#### Gwybodaeth Cychwyn

- I5** A. 90 ddim mewn grym ar y Cydsyniad Brenhinol, gweler **a. 97(2)**
- I6** A. 90 mewn grym ar 25.1.2018 gan **O.S. 2018/35, ergl. 2(x)**
- I7** A. 90 mewn grym ar 1.4.2018 i'r graddau nad yw eisoes mewn grym gan **O.S. 2018/35, ergl. 3**

### 91 Arfer pwerau a dyletswyddau Gweinidogion Cymru o dan y Ddeddf hon

- (1) Wrth arfer eu pwerau a'u dyletswyddau o dan y Ddeddf hon—
- rhaidd i Weinidogion Cymru roi sylw i'r amcan o leihau gwarediadau tirlenwi yng Nghymru;
  - caiff Gweinidogion Cymru roi sylw i unrhyw faterion eraill sy'n briodol yn eu barn hwy.
- (2) Nid yw is-adran (1) yn gymwys i arfer pwerau a dyletswyddau o dan adran 92.

#### Gwybodaeth Cychwyn

- I8** A. 91 ddim mewn grym ar y Cydsyniad Brenhinol, gweler **a. 97(2)**
- I9** A. 91 mewn grym ar 18.10.2017 gan **O.S. 2017/955, ergl. 2(h)**

### Cynllun Cymunedau y Dreth Gwarediadau Tirlenwi

### 92 Cynllun Cymunedau y Dreth Gwarediadau Tirlenwi

- (1) Rhaid i Weinidogion Cymru baratoi a chyhoeddi Cynllun Cymunedau y Dreth Gwarediadau Tirlenwi ar y diwrnod y daw'r Ddeddf hon i rym yn llawn neu cyn hynny.
- (2) Rhaid i'r Cynllun wneud darpariaeth ar gyfer rhoi grantiau gan Weinidogion Cymru i bersonau sy'n cymryd rhan mewn gweithgareddau y mae Gweinidogion Cymru o'r farn y byddant yn hyrwyddo neu'n gwella llesiant cymdeithasol neu amgylcheddol ardaloedd yng Nghymru a effeithir gan—
- gwneud gwarediadau tirlenwi, neu
  - gweithgareddau sy'n baratoadol ar gyfer gwneud gwarediadau tirlenwi.
- (3) Caiff y Cynllun ddarparu i'r grantiau—
- cael eu dyrannu drwy gyfeirio at feini prawf a bennir yn y Cynllun;
  - bod yn ddarostyngedig i amodau a bennir yn y Cynllun neu gan Weinidogion Cymru.
- (4) Rhaid i Weinidogion Cymru—
- adolygu'r Cynllun—
    - o leiaf unwaith yn ystod y cyfnod o 4 blynedd sy'n dechrau â'r diwrnod y'i cyhoeddir gyntaf, a
    - yn dilyn hynny, o leiaf unwaith yn ystod pob cyfnod o 4 blynedd sy'n dechrau â'r diwrnod y cwblheir yr adolygiad blaenorol, a
  - ymgynghori ag unrhyw bersonau sy'n briodol yn eu barn hwy pan fyddant yn gwneud hynny.

---

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwarediadau Tirlenwi (Cymru) 2017, PENNOD 7. (See end of Document for details)*

---

- (5) Caiff Gweinidogion Cymru ddiwygio neu ddirymu'r Cynllun ar ôl cynnal adolygiad; ond ni chaniateir dirymu'r Cynllun o fewn y cyfnod o 4 blynedd sy'n dechrau â'r diwrnod y'i cyhoeddir gyntaf.
- (6) Os caiff y Cynllun ei ddiwygio, rhaid i Weinidogion Cymru gyhoeddi'r Cynllun diwygiedig.
- (7) Rhaid i Weinidogion Cymru osod y Cynllun, ac unrhyw Gynllun diwygiedig, gerbron Cynulliad Cenedlaethol Cymru.

---

#### **Gwybodaeth Cychwyn**

**I10** A. 92 ddim mewn grym ar y Cydsyniad Brenhinol, gweler **a. 97(2)**

**I11** A. 92 mewn grym ar 8.11.2017 gan O.S. 2017/955, **ergl. 3(b)**

**Newidiadau i ddeddfwriaeth:**

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwarediadau Tirlenwi (Cymru) 2017, PENNOD 7.